

**ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ**

**ТОШКЕНТ ВИЛОЯТИДА ЗАМОНАВИЙ КАРТОШКАЧИЛИК
КЛАСТЕРИНИ ТАШКИЛ ЭТИШ ЧОРА-ТАДБИРЛАРИ ТЎҒРИСИДА**

Аграр соҳада таркибий ислоҳотларни янада чуқурлаштириш, мева-сабзавот маҳсулотлари ишлаб чиқаришни ташкил этишда кластер усулини ривожлантириш, қишлоқ хўжалик маҳсулотларини чуқур қайта ишлаш занжирини яратиш, юқори қўшилган қийматга эга экспортга йўналтирилган рақобатбардош маҳсулот ишлаб чиқаришни йўлга қўйиш мақсадида Вазирлар Маҳкамаси қарор қилади:

1. Ўзбекистон Республикаси Қишлоқ хўжалиги вазирлиги, Картошка етиштирувчилар уюшмаси, Тошкент вилояти ҳокимлиги ва «Agrover» МЧЖнинг Тошкент вилояти ҳудудида «Bo'stonliq kartoshkachilik markazi» МЧЖ, «Solanuz» МЧЖ, «Agrover-urug'chilik» МЧЖ, «Vernatural» МЧЖ ва «Sof tabiat agro» МЧЖ негизда истеъмолга йўналтирилган картошка ишлаб чиқариш ва чуқур қайта ишлаш бўйича агросаноат кластерини (кейинги ўринларда Агрокластер деб аталади) ташкил этиш ва унинг асосий фаолият йўналишлари этиб қуйидагиларни белгилаш тўғрисидаги таклифига розилик берилсин:

уруғлик картошка етиштириш, шу жумладан, уни вируссиз *in vitro* технологияси асосида кўпайтириш;

илмий асосланган алмашлаб экиш тизимида қўлланиладиган дуккакли, бошоқли дон ва бошқа қишлоқ хўжалиги экинларининг уруғликларини етиштириш;

маҳаллий ва хорижий селекция ҳамда биотехнологик навларнинг бирламчи уруғчилигини ташкил этиш ва ривожлантириш;

уруғчилик бўйича маҳаллий ва халқаро ташкилотлар билан самарали ҳамкорлик қилиш, уруғликларни экишдан олдин ишлов бериш ва қайта ишлашга оид инновацион технологиялар, шу жумладан, сувни тежовчи технологияларни кенг жорий этиш.

2. Истеъмолга йўналтирилган картошка ишлаб чиқариш ва чуқур қайта ишлаш бўйича агросаноат кластери таркибига кирувчи ташкилотлар томонидан 2020 — 2022 йилларда амалга ошириладиган инвестиция лойиҳаларининг рўйхати ва прогноз кўрсаткичлари [иловага](#) мувофиқ маъқуллансин.

3. Тошкент вилояти ҳокимлиги:

Ўзбекистон Республикаси Ер ресурслари, геодезия, картография ва давлат кадастри давлат қўмитаси билан биргаликда «Bo'stonliq kartoshkachilik markazi» МЧЖга Бўстонлик туманида фойдаланилмаётган, захирадаги ерлар ҳисобидан ягона ҳудудийлик тамойили бўйича жами 1400 гектар, шу жумладан, «Ro'yxat Agro» давлат унитар корхонасига фойдаланишга берилган ер участкалари ҳисобидан 146 гектар суғориладиган ер майдонларини туман ҳокимлиги захирасига олиб, 50 йилгача бўлган, бироқ ўттиз йилдан кам бўлмаган муддатга ижарага берилишини;

инвестициялар киритиш ва янги иш ўринлари ташкил этиш шarti билан «Solanuz» МЧЖга Ўртачирчиқ туманидан замонавий машина-трактор паркi, қишлоқ хўжалиги маҳсулотларини қабул қилиш, қадоқлаш ва дастлабки қайта ишлаш бўйича логистика марказлари қуриш учун қонун ҳужжатларида белгиланган тартибда қишлоқ хўжалигига мўлжалланмаган паст балл бонитетли ер майдонлари ажратилишини;

Агрокластер таркибига кирувчи ташкилотлар томонидан инвестиция мажбуриятлари бажарилмаганда, ажратилган ер участкаларидан оқилona фойдаланилмаганда ёхуд тупроқ унумдорлигининг пасайишига, кимёвий ва радиоактив ифлосланишига, атроф муҳитнинг бузилишига, республика ҳудудида карантин объектларининг пайдо бўлишига ва тарқалишига олиб келувчи усуллардан фойдаланилганда ер участкасининг ижара шартномаси қонун ҳужжатларида белгиланган тартибга мувофиқ бекор қилинишини таъминласин.

4. Белгилансинки:

уруғлик картошкани сертификатлаш бўйича тарифлар барча жисмоний ва юридик шахсларга ҳар бир тоннаси учун базавий ҳисоблаш миқдорининг 2 фоизини ташкил этади;

Агрокластер таркибига кирувчи ташкилотлар ички ҳамда ташқи бозордаги эҳтиёж ва тупроқ-иқлим шароитларини ҳисобга олган ҳолда, қишлоқ хўжалиги экинларини жойлаштириш, маҳсулот етиштириш ҳажми, уларнинг нави ва турини белгилаш бўйича мустақил қарор қабул қилади.

5. Ўзбекистон Республикаси Соғлиқни сақлаш вазирлиги манфаатдор вазирлик ва идоралар билан биргаликда бир ой муддатда озиқ-овқат маҳсулотлари билан таъминлашга сарфланаётган давлат харажатларининг самарадорлигини ошириш мақсадида бюджет маблағлари олувчилар учун (мактаб ва мактабгача таълим муассасалари бундан мустасно) тасдиқланган овқатланиш меъёрларида назарда тутилган озиқ-овқат маҳсулотларига ўриндош сифатида қуруқ картошка пюресини киритиш бўйича Вазирлар Маҳкамасига таклиф киритсин.

6. Тадбиркорлик субъектлари томонидан республикада ишлаб чиқарилган қуруқ картошка пюреси (ТИФ ТН коди 1105200000) экспортини амалга оширишга рухсат берилсин.

7. Мазкур қарорнинг ижросини назорат қилиш Ўзбекистон Республикаси Бош вазирининг аграр ва озиқ-овқат соҳаларини ривожлантириш масалалари бўйича ўринбосари Ў.И. Барноев зиммасига юклансин.

Ўзбекистон Республикасининг Бош вазири А. АРИПОВ

Тошкент ш.,
2020 йил 1 апрель,
193-сон

Вазирлар Маҳкамасининг 2020 йил 1 апрелдаги 193-сон [қарорига](#)
ИЛОВА

Истеъмолга йўналтирилган картошка ишлаб чиқариш ва чуқур қайта ишлаш бўйича агросаноат кластери таркибига кирувчи ташкилотлар томонидан 2020 — 2022 йилларда амалга ошириладиган инвестиция лойиҳаларининг рўйхати ва прогноз кўрсаткичлари

Т / р	Инвестиция лойиҳасининг номи	Асосий ижро этувчи	Лойиҳа қиймати (эквивалентда млн. АҚШ доллари)	Молиялаштириш манбалари		Йиллик қуввати	Ташкил этилган иш ўринларисони	Амалга ошириш муддатлари
				лоyiҳа ташаббускорларининг ўз маблағлари (млн. АҚШ доллари)	хорижий инвестициялари (млн. АҚШ доллари)			
1	Картошка ва бошқа сабзавот экинларини сақлаш бўйича логистика маркази куриш	«Bo'stonliq kartoshkachilik markazi» МЧЖ	14,8	4,8	10,0	30,0 минг тонна гача узок муддатли сақлаш	250 та доимий ва 100 та мавсумий	2020 йил II чорак
2	Картошка ва бошқа сабзавот экинларини бирламчи қадоқлаш ва қайта ишлаш бўйича корхона ташкил этиш	«Agroverurug'chilik» МЧЖ	1,2	0,2	1,0	10,0 минг тонна	40 та доимий	2020 йил II чорак
3	Ихтисослаштирилган машина-трактор паркани	«Solanz» МЧЖ ва «Bo'stonliq	1,3	0,3	1,0	Jonder 110 - 6 та Jonder 135 - 6 та	100 та доимий ва 40 та	2021 йил I чорак

	(МТП) ташқил этиш	kartosh kachili k markaz i» МЧЖ				Orion 630 - 8 та Карто шка комба йни - 2 та МТЗ 80.1 - 12 та Экско ватор JSB 4 сх - 1 та Тирка малар - 13 та 40 та бошқ а қишл оқ хўжа лиги агрег атлар и	мавс умий	
4	1000 гектардан ортиқ майдонга замонави й ресурс тежовчи спринкле р ва ёмғирлат иб суғориш тизимлар ини	«Bo'st onliq kartosh kachili k markaz i» МЧЖ, «Agro ver- urug's hilik» МЧЖ, «Solan	4,5	2	2,5	2020 йил - 500 гекта р, 2021 йил - 500 гекта р	200 та доим ий ва 800 та мавс умий	2021 йилII чорак

	босқичма- босқич жорий этиш	uz» МЧЖ						
5	Вирусли ва бошқа инфекция лардан холи уруғлик картошка ни «in vitro» технологи яси бўйича етиштири ш лаборатор ияси курилиши ни якунлаш	«Sof tabiat agro» МЧЖ	1,5	1,5	0	1,0 минг тонна гача вирус ларда н холи уруғл ик карто шка	30 та доим ий	2020 йил III чорак
			23,3	8,8	14,5		620 та доим ий ва 940 та мавс умий	

Изоҳ.

1. «Agrover» МЧЖ бошқарувчи ташкилот ҳисобланиб, муассислар қарорига кўра, инвестиция лойиҳалари прогноз параметрларига ўзгартиришлар киритилиши мумкин.

2. Инвестиция лойиҳаларининг якуний параметрлари техник-иқтисодий асослашни ёки бизнес-режаларни ишлаб чиқиш натижаларига кўра белгиланади.

3. Чет эл инвесторлари томонидан манфаатдорлик билдирилмаган ҳолда, «Agrover» МЧЖ бошқарувчи ташкилоти муассислари қарорига кўра, лойиҳа бошқа манбалар ҳисобидан молиялаштирилади.

*(Қонун ҳужжатлари маълумотлари миллий базаси, 01.04.2020 й.,
09/20/193/0392-сон)*

